

**AKTA KERAJAAN TEMPATAN 1976
(AKTA 171)**

**UNDANG-UNDANG KECIL PELESENAN
ESTABLISYEMEN MAKANAN
(MAJLIS DAERAH BATU GAJAH) 2017**

Tarikh Warta :
21 Disember 2017 (Pk.P.U.71.)

ms : 2652 - 2697



NEGERI PERAK

Warta Kerajaan

DITERBITKAN DENGAN KUASA

GOVERNMENT OF PERAK GAZETTE

PUBLISHED BY AUTHORITY

Jil. 70
Bil. 26

21hb Disember 2017

*TAMBAHAN No. 33
PERUNDANGAN*

Pk. P.U. 71

AKTA KERAJAAN TEMPATAN 1976

UNDANG-UNDANG KECIL PELESENAN ESTABLISYMEN MAKANAN
(MAJLIS DAERAH BATU GAJAH) 2017

SUSUNAN UNDANG-UNDANG KECIL

BAHAGIAN I

PERMULAAN

Undang-
undang
kecil

1. Nama, permulaan kuat kuasa dan pemakaian
2. Tafsiran

BAHAGIAN II

LESEN

3. Lesen

Undang-undang
kecil

4. Permohonan lesen
5. Lesen tidak boleh dipindah milik
6. Fi tidak boleh dibayar balik
7. Deposit
8. Penggantungan atau pembatalan lesen
9. Tempoh sah lesen
10. Pembaharuan lesen
11. Lesen hendaklah dipamerkan dan dikemukakan
12. Lesen sementara
13. Penyerahan balik lesen
14. Menjalankan aktiviti perniagaan selain dari yang telah diluluskan
15. Pengecualian

BAHAGIAN III

PERUNTUKAN AM BAGI SEMUA ESTABLISYMEN MAKANAN

16. Bangunan
17. Kehendak-kehendak kebersihan
18. Menyediakan tong sampah
19. Sampah pepejal basah
20. Pembuangan sampah
21. Pencemaran efluen dan kumbahan
22. Bekalan air
23. Kemudahan kebersihan
24. Pencahayaan dan pengalihudaraan
25. Keselamatan pekerja dan kebersihan

Undang-
undang
kecil

26. Pemeriksaan perubatan bagi orang yang bekerja di establisymen makanan
27. Peruntukan bilik persalinan, *dsb.*
28. Pencegahan kebakaran
29. Bilik stor dan kemudahan stor penyimpanan lain
30. Kehendak Sijil Halal
31. Pembakaran
32. Penyebaran habuk, *dsb.*
33. Bising
34. Waktu perniagaan
35. Penggredan establisymen makanan
36. Membersih botol dan bekas
37. Pengawalan serangga dan binatang perosak
38. Anggapan

BAHAGIAN IV

KEPERLUAN KHAS KEDAI MAKAN

39. Makanan hendaklah ditutup
40. Dilarang tidur di dalam kedai makan
41. Meja hendaklah disediakan
42. Jenis dapur
43. Gerai
44. Langkah kesihatan awam yang lain

Undang-undang kecil

BAHAGIAN V

KEPERLUAN KHAS KILANG ROTI

45. Meja, *dsb.* mesti dibersihkan
46. Dinding dan lantai
47. Dapur pembakar roti
48. Langkah kesihatan awam yang lain

BAHAGIAN VI

KEPERLUAN KHAS UNTUK TEMPAT TENUSU

49. Kebersihan tempat tenusu
50. Penjualan dan penyimpanan susu
51. Bekas untuk jualan susu
52. Pencucian bekas susu
53. Bekas susu tidak boleh digunakan untuk minum
54. Kebersihan yang perlu diawasi semasa pemerah susu
55. Penyakit di premis
56. Perintah memberhentikan bekalan, pengagihan atau penjualan susu

BAHAGIAN VII

PENGUATKUASAAN

57. Kuasa memasuki dan memeriksa
58. Pengeledahan
59. Pemeriksaan orang perempuan

Undang-
undang
kecil

60. Penyitaan
61. Pelucuthakan
62. Pelucuthakan jika ada pendakwaan
63. Pelucuthakan jika tiada pendakwaan
64. Tiada kos atau ganti rugi berbangkit daripada penyitaan boleh didapatkan
65. Kuasa menutup
66. Kuasa menangkap

BAHAGIAN VIII

PELBAGAI

67. Pendakwaan
68. Mengkompaun kesalahan-kesalahan
69. Penalti am
70. Pembatalan dan peruntukan peralihan

JADUAL

AKTA KERAJAAN TEMPATAN 1976

UNDANG-UNDANG KECIL PELESENAN ESTABLISYMEN MAKANAN
(MAJLIS DAERAH BATU GAJAH) 2017

PADA menjalankan kuasa yang diberikan oleh Seksyen 73, 102 dan 102A Akta Kerajaan Tempatan 1976 [*Akta 171*], Majlis Daerah Batu Gajah membuat, dan menurut Seksyen 103 Akta tersebut, Pihak Berkuasa Negeri mengesahkan undang-undang kecil yang berikut:

BAHAGIAN I

PERMULAAN

Nama, permulaan kuat kuasa dan pemakaian

1. (1) Undang-undang kecil ini bolehlah dinamakan Undang-Undang Kecil Pelesenan Establisyment Makanan (Majlis Daerah Batu Gajah) 2017.

(2) Undang-Undang Kecil ini hendaklah mula berkuat kuasa pada tarikh penyarannya dalam *Warta*.

(3) Undang-Undang Kecil ini hendaklah terpakai kepada kawasan yang ditadbir oleh Majlis Daerah Batu Gajah.

Tafsiran

2. Dalam Undang-Undang Kecil ini, melainkan jika kandungan konteksnya menghendaki makna yang lain—

“bar” ertinya mana-mana tempat di mana minuman beralkohol dihidangkan atau dijual dan termasuklah ‘milk-bar’ dan ‘snack-bar’;

“daging” ertinya daging apa-apa binatang yang disembelih yang digunakan untuk makanan manusia sama ada yang baru atau disediakan secara pembekuan, penyejukan, awetan, pmasinan atau dengan apa jua proses;

“dapur bakar roti” ertinya mana-mana bilik atau ruang tertutup di mana pembakaran roti dilakukan;

“efluen” mempunyai erti yang diberikan kepadanya dalam Akta Kualiti Alam Sekeliling 1974 [*Akta 127*];

“efluen perindustrian” ertinya cecair air atau sisa air yang terhasil disebabkan atau dalam perjalanan proses pengeluaran yang berlaku di mana-mana premis perindustrian;

“establisymen makanan” ertinya mana-mana tempat atau premis di mana makanan disediakan, dikilang, diproses, dibungkus, ditin, dibotol atau distor untuk dijual sebagai makanan manusia atau haiwan dan termasuklah kedai makan, kilang roti, tempat tenusu dan mana-mana tempat di mana makanan dihidangkan, dijual atau dipamerkan untuk jualan bagi makanan manusia atau haiwan dan termasuklah kedai masak di mana sebarang makanan atau adunan makanan disediakan atau dimasak untuk dijual tetapi tidak dimakan di premis berkenaan atau apa-apa jua aktiviti yang dinyatakan dalam Jadual Kedua;

“gerai” adalah mana-mana gerai makanan berlesen atau tidak berlesen yang terdapat di dalam establisymen makanan atau gerai makanan yang didirikan secara bersendiria;

“kawasan kerja” ertinya dapur dan termasuklah tempat makanan disediakan atau disimpan;

“kedai makan” ertinya mana-mana tempat atau premis sama ada tetap atau sementara di mana makanan dijual untuk dimakan di tempat atau di premis tersebut sama ada disediakan di situ atau tidak dan ini termasuklah restoran, kafe, kedai kopi, kedai ais krim, bar dan kantin;

“kilang roti” ertinya mana-mana tempat yang digunakan untuk membuat roti, kek, biskut atau konfeksi lain;

“kumbahan” ertinya apa-apa lepasan cecair yang mengandungi kumbahan manusia, haiwan atau bahan nabati dalam bentuk terampai atau larutan yang diperolehi daripada aktiviti domestik dan terhasil dari premis rumah, komersial, institusi dan industri termasuk lepasan cecair dari tandas, besin, sinki, bilik air dan apa-apa perkakas kebersihan lain tetapi tidak termasuk air hujan dan efluen perindustrian;

“Majlis” ertinya Majlis Daerah Batu Gajah;

“makanan” termasuk setiap artikel yang dikilang, diproses, dijual atau yang direpresentasikan sebagai makanan atau minuman manusia atau yang dimasukkan ke dalam atau digunakan dalam komposisi, penyediaan, pengawetan mana-mana makanan atau minuman dan termasuklah produk roti, konfeksi, benda-benda kunyahan dan apa-apa adunan kepada makanan, minuman, konfeksi atau benda-benda kunyahan tersebut, tetapi tidak termasuk—

- (a) benda atau bahan yang digunakan sebagai dadah sahaja;
- (b) binatang atau burung yang hidup; atau
- (c) foder atau bahan-bahan makanan binatang, burung atau ikan;

“Pegawai Kesihatan” mempunyai erti yang diberikan kepadanya dalam Akta Kerajaan Tempatan 1976 [*Akta 171*];

“pemegang lesen” ertinya mana-mana orang yang kepadanya lesen dikeluarkan di bawah Undang-Undang Kecil ini termasuk pekerja, ejen atau pengkhidmat kepada pemegang lesen;

“Pihak Berkuasa Melesen” ertinya Dipertua, Setiausaha atau mana-mana Pegawai Yang Diberi Kuasa secara bertulis oleh Yang Dipertua;

“premis” mempunyai erti yang diberikan kepadanya dalam Akta Jalan, Parit dan Bangunan 1974 [*Akta 133*];

“premis berlesen” ertinya mana-mana premis yang menjalankan apa-apa aktiviti establisymen makanan yang telah dilesenkan oleh Pihak Berkuasa Melesen di bawah Undang-Undang Kecil ini;

“siar kaki” mempunyai erti yang diberikan kepadanya dalam Akta Jalan, Parit Dan Bangunan 1974 [*Akta 133*];

“susu” termasuklah krim atau sebarang cecair yang diertikan sebagai susu atau krim bertujuan untuk dijual sebagai makanan manusia atau untuk digunakan dalam keluaran hasil kilangan sebagai makanan manusia dan ‘keluaran susu’ termasuklah sebarang keluaran susu yang diproses atau dikilangkan;

“tempat hidangan” ertinya tempat di mana makanan disimpan atau tersedia untuk dihidangkan;

“tempat tenusu” termasuklah ladang, kandang lembu, kandang kambing, stor susu atau kedai susu atau lain-lain tempat di mana susu di simpan atau dari mana susu dibekalkan untuk jualan; dan dalam kes penjual susu, termasuklah tempat di mana dia menyimpan perkakas yang digunakan olehnya untuk menjual susu, tetapi tidak termasuk premis di mana susu dibekalkan atau ditawarkan untuk dijual dalam bekas yang telah ditutup kemas dan tidak dibuka, atau lain-lain tempat yang mana susu dijual sebagai makanan dalam premis itu sahaja; dan

“Yang Dipertua” ertinya Yang Dipertua Majlis Daerah Batu Gajah.

BAHAGIAN II

LESEN

Lesen

3. (I) Tiada seorang pun boleh menjalankan apa-apa aktiviti establisymen makanan atau menggunakan suatu tempat atau premis dalam kawasan Majlis bagi apa-apa aktiviti establisymen makanan tanpa satu lesen yang dikeluarkan oleh Pihak Berkuasa Melesen.

(2) Bayaran memproses yang dikenakan bagi sesuatu lesen di bawah Undang-Undang Kecil ini hendaklah seperti yang ditetapkan dalam Jadual Pertama.

(3) Mana-mana orang yang tidak mematuhi perenggan (1) adalah bersalah atas suatu kesalahan dan boleh, apabila disabitkan, didenda tidak lebih dua ribu ringgit atau dipenjarakan tidak lebih daripada dua tahun atau kedua-duanya sekali, dan bagi kesalahan selepas sabitan, denda dua ratus ringgit bagi setiap hari atau sebahagian daripadanya kesalahan tersebut berterusan.

Permohonan lesen

4. (1) Suatu permohonan untuk mendapatkan atau memperbaharui lesen hendaklah dibuat mengikut apa-apa bentuk yang ditentukan oleh Pihak Berkuasa Melesen.

(2) Pihak Berkuasa Melesen boleh mengarahkan mana-mana pemohon supaya hadir sendiri atau dalam hal suatu perbadanan atau firma, oleh seorang pengarah, pekerja atau mana-mana orang yang diberi kuasa oleh perbadanan atau firma tersebut, semasa permohonan dibuat.

(3) Mana-mana pemohon hendaklah membuat pembayaran fi pemprosesan seperti yang ditetapkan di dalam Jadual Pertama semasa permohonan dikemukakan dan fi pemprosesan tidak akan dikembalikan sama ada permohonan diluluskan atau tidak diluluskan oleh Pihak Berkuasa Melesen.

(4) Apabila permohonan ini diluluskan, Pihak Berkuasa Melesen hendaklah mengeluarkan lesen yang tertakluk kepada—

- (a) pembayaran deposit oleh pemohon seperti jumlah yang ditetapkan oleh Majlis sebagai jaminan apabila perlu untuk memastikan bahawa peruntukan-peruntukan Undang-Undang Kecil ini dan syarat lesen dipatuhi;
- (b) pembayaran apa-apa fi lain yang ditetapkan di dalam Jadual Kedua; dan
- (c) apa-apa syarat atau sekatan yang dinyatakan di dalamnya.

(5) Lesen tersebut hendaklah dalam bentuk yang ditentukan oleh Pihak Berkuasa Melesen.

(6) Pihak Berkuasa Melesen boleh mengeluarkan lesen bagi tempoh tidak melebihi tiga tahun dan boleh diperbaharui tertakluk kepada permohonan pembaharuan yang dibuat kepada Pihak Berkuasa Melesen dan bayaran fi sebagaimana yang ditetapkan dalam Jadual Kedua dan apa-apa bayaran yang difikirkan perlu.

Lesen tidak boleh dipindah milik

5. (1) Suatu lesen yang dikeluarkan di bawah Undang-Undang Kecil ini tidak boleh dipindah milik kecuali dengan kebenaran bertulis Pihak Berkuasa Melesen.

(2) Permohonan untuk memindah milik lesen hendaklah dibuat mengikut apa-apa bentuk yang ditentukan oleh Pihak Berkuasa Melesen.

(3) Pihak Berkuasa Melesen boleh menghendaki pemegang lesen memberi apa-apa dokumen atau maklumat tambahan sebagaimana yang didapati perlu semasa permohonan dibuat.

(4) Pihak Berkuasa Melesen boleh mengarahkan mana-mana pemohon supaya hadir sendiri atau dalam hal suatu perbadanan atau firma, oleh seorang pengarah, pekerja atau mana-mana orang yang diberi kuasa oleh perbadanan atau firma tersebut, semasa permohonan dibuat.

(5) Pihak Berkuasa Melesen boleh menghendaki pemegang lesen untuk menyelesaikan sebarang bayaran tertunggak kepada pihak Majlis sebelum meluluskan permohonan tersebut.

(6) Bayaran pindah milik lesen ialah sebanyak lima puluh peratus daripada bayaran lesen yang ditetapkan dalam Jadual Kedua.

Fi tidak boleh dibayar balik

6. Fi lesen dan fi lain yang telah dibayar di bawah Undang-Undang Kecil ini tidak boleh dikembalikan.

Deposit

7. (1) Deposit yang dibayar di bawah subperenggan 4(4)(a) hendaklah mengikut jumlah seperti yang ditentukan oleh Majlis.

(2) Pihak Berkuasa Melesen boleh melupuskan deposit sepenuhnya atau sebahagiannya sekiranya Pihak Berkuasa Melesen berpuas hati bahawa terdapatnya pelanggaran syarat lesen atau sekatan lesen atau pada pembatalan lesen sebelum tarikh tamat atau pelanggaran mana-mana peruntukan Undang-Undang Kecil ini atau apa-apa arahan bertulis Pihak Berkuasa Melesen.

(3) Lesen hendaklah terbatal apabila deposit dilupuskan, melainkan dibenarkan oleh pihak Berkuasa Melesen dengan permohonan dari pemegang lesen untuk melanjutkan lesen dan tertakluk kepada pembayaran semula deposit sekiranya dilupuskan.

(4) Pembayaran deposit di bawah subperenggan 4(4)(a) hendaklah, melainkan dilupuskan menurut perenggan (2), dikembalikan kepada pemegang lesen selepas pemegang lesen menamatkan pengendalian premis berlesen dan selepas penyerahan balik lesen kepada Pihak Berkuasa Melesen sekiranya lesen itu tamat

Penggantungan atau pembatalan lesen

8. (1) Pihak Berkuasa Melesen boleh pada bila-bila masa menggantung atau membatalkan suatu lesen yang dikeluarkan di bawah Undang-Undang Kecil ini sekiranya telah berlaku kegagalan mematuhi mana-mana peruntukan Undang-Undang Kecil ini atau pelanggaran apa-apa syarat atau sekatan lesen.

(2) Mana-mana orang yang menjalankan atau menguruskan suatu premis berlesen semasa tempoh penggantungan lesen atau setelah lesen dibatalkan adalah melakukan suatu kesalahan.

Tempoh sah lesen

9. (1) Sesuatu lesen jika tidak digantung atau dibatalkan terlebih dahulu hendaklah terus berkuat kuasa dari sesuatu tempoh yang tidak kurang dari dua belas bulan dari tarikh kuat kuasa dan hendaklah diperbaharui pada atau sebelum tarikh tamat tempoh lesen itu.

(2) Walau apa pun di dalam Undang-Undang Kecil ini, Pegawai Pelesenan boleh mengeluarkan lesen yang sah berkuat kuasa selama tempoh tidak lebih dari tiga puluh enam bulan dari tarikh kuat kuasa lesen berkenaan.

Pembaharuan lesen

10. (1) Permohonan untuk pembaharuan lesen boleh dibuat kepada Pihak Berkuasa Melesen dengan bayaran fi seperti yang ditetapkan dalam Jadual Kedua sebelum tempoh sah lesen sedia ada luput.

(2) Pihak Berkuasa Melesen boleh menghendaki pemegang lesen memberikan apa-apa dokumen atau maklumat tambahan yang difikirkan perlu semasa permohonan untuk pembaharuan dibuat.

(3) Pihak Berkuasa Melesen boleh memperbaharui lesen itu atau enggan membaharui lesen itu dan hendaklah memberitahu pemegang lesen secara bertulis keputusannya itu tanpa perlu mendedahkan alasan terhadap keengganan untuk memperbaharui lesen tersebut.

(4) Pihak Berkuasa Melesen boleh menghendaki pemegang lesen untuk menyelesaikan sebarang bayaran kepada Majlis dan tidak terhad kepada bayaran lesen sahaja sebelum meluluskan pembaharuan tersebut.

Lesen hendaklah dipamerkan dan dikemukakan

11. (1) Seorang pemegang lesen hendaklah mempamerkan lesen pada sepanjang masa di suatu tempat yang mudah dilihat di dalam premis berlesen dan hendaklah mengemukakannya sekiranya dikehendaki berbuat demikian oleh Pihak Berkuasa Melesen atau mana-mana pegawai yang diberi kuasa.

(2) Seorang pemegang lesen yang gagal untuk mempamer atau mengemukakan lesen di bawah perenggan (1) adalah melakukan suatu kesalahan dan apabila disabitkan boleh dikenakan hukuman denda yang tidak melebihi lima ratus ringgit atau penjara tidak melebihi enam bulan atau kedua-duanya.

(3) Bagi maksud Undang-Undang Kecil ini, sebutan tentang sesuatu lesen hendaklah termasuk salinan lesen itu yang diperakui oleh Pihak Berkuasa Melesen sebagai salinan sebenar lesen itu dan salinan lesen yang diperakui hanya boleh dikeluarkan tertakluk kepada kadar bayaran dalam Jadual Pertama.

Lesen sementara

12. (1) Suatu lesen sementara boleh dikeluarkan kepada mana-mana pemohon yang menjalankan perniagaan makanan sementara di dalam atau di luar premis perniagaan sementara menanti keputusan Pihak Berkuasa Melesen ke atas permohonan bagi suatu lesen.

(2) Lesen sementara yang dikeluarkan di bawah perenggan (1) hendaklah sah bagi tempoh tidak melebihi enam bulan dari tarikh ianya dikeluarkan.

(3) Tertakluk kepada perenggan (2), suatu lesen sementara boleh dilanjutkan bagi tempoh tidak melebihi enam bulan selanjutnya atas permohonan secara bertulis oleh pemohon pada atau sebelum tarikh akhir tempoh enam bulan yang pertama luput.

(4) Tempoh sah suatu lesen sementara hendaklah tidak melebihi tempoh dua belas bulan dari tarikh ianya itu dikeluarkan.

(5) Lesen sementara hendaklah dibatalkan serta-merta apabila permohonan bagi lesen tidak diluluskan oleh Pihak Berkuasa Melesen.

(6) Fi-fi yang hendak dibayar bagi suatu lesen sementara atau apa-apa pelanjutan lesen sementara tidak boleh melebihi fi-fi yang telah ditetapkan dalam Jadual Ketiga.

(7) Pemegang suatu lesen sementara hendaklah mempunyai hak-hak, kewajipan-kewajipan, liabiliti-liabiliti dan obligasi-obligasi yang sama sebagaimana pemegang lesen di bawah Undang-Undang Kecil ini.

Penyerahan balik lesen

13. Pemegang lesen hendaklah menyerahkan balik lesennya kepada Pihak Berkuasa Melesen apabila lesen itu telah tamat tempoh, digantung atau dibatalkan.

Menjalankan aktiviti perniagaan selain dari yang telah diluluskan

14. Pihak Berkuasa Melesen boleh membatalkan lesen yang telah diluluskan di bawah Undang-Undang Kecil ini terhadap mana-mana premis yang menjalankan aktiviti perniagaan selain dari yang telah diluluskan

Pengecualian

15. Tiada pengecualian diberikan kepada mana-mana kantin dalam mana-mana tempat atau mana-mana tempat kerja yang dikhaskan untuk kegunaan orang-orang yang bekerja di tempat atau tempat kerja itu atau mana-mana kelab yang dikhaskan untuk kegunaan ahli-ahlinya dari mana-mana peruntukan Undang-Undang Kecil ini.

BAHAGIAN III

PERUNTUKAN AM BAGI SEMUA ESTABLISYMEN MAKANAN

Bangunan

16. (1) Dinding mana-mana establisymen makanan hendaklah cukup kemas dengan permukaan licin yang boleh dibersihkan dengan mudah dan cepat dan tanpa terdapat padanya apa-apa pelunjuran, ceruk atau sudut yang boleh mengumpulkan habuk.

(2) Lantai hendaklah diperbuat daripada jubin atau yang disiapkan secara kemas supaya segala cecair boleh dengan mudah mengalir ke dalam longkang. Pepenjuru di antara lantai dengan dinding hendaklah dibulatkan setinggi 7 cm dengan bahan permukaan yang sama dengan lantai.

(3) Tiada ruang tamu, tempat tidur, dinding sekatan atau lantai mezanin di mana-mana bahagian establisymen makanan itu dibenar digunakan bagi apa-apa maksud yang mana suatu lesen diperlukan di bawah Undang-Undang Kecil ini melainkan dengan kebenaran secara bertulis dari Pihak Berkuasa Melesen.

(4) Longkang-longkang hendaklah dibina dengan bata yang disapu dengan simen jenis baik dan dengan dasarnya separuh bulat, atau dibuat dengan paip belah dua dari tembikar bergilap dan garis pusatnya tidak kurang daripada lima belas sentimeter dan hendaklah cukup bilangan serta gradiennya untuk mengalirkan air dan bendalir yang lain. Longkang-longkang tersebut, kecuali yang melintasi kaki lima, hendaklah ditutup hanya dengan papan mudah alih atau lain-lain bahan dan hendaklah jangan ditutup oleh lekapan atau perabot berat. Longkang-longkang atau paip-paip untuk hujan atau air mandi atau najis atau benda-benda kumbahan selain dari paip kotoran yang telah dibina dengan sempurna tidak boleh diletak melintasi premis itu.

(5) Lantai di tingkat atas di mana establisymen makanan hendaklah diperbuat dari simen, konkrit atau papan lantai rapat yang berlidah dan beralur atau selainnya ditanggam supaya kedap air.

(6) Semua siling atau jika tiada siling, permukaan dalam bumbung dan lekapan atas premis makanan hendaklah dibina dan dalam bentuk kemas yang boleh menghalang pengumpulan kotoran dan serakan habuk dan mengurangkan pemeluwapan dan pertumbuhan kulapuk yang tidak diingini atau hendaklah dibina daripada apa-apa bahan sebagaimana yang dibenarkan oleh Pihak Berkuasa Melesen.

Kehendak-kehendak kebersihan

17. Pemegang lesen bagi sebarang premis di bawah Undang-Undang Kecil ini hendaklah mematuhi kehendak-kehendak yang berikut:

- (a) semua sampah-sarap dikumpul dan ditempatkan ke dalam bekas-bekas bertutup yang disediakan untuk maksud itu, dan hendaklah semua bekas-bekas itu dikosong dan dibersihkan selalu jika perlu supaya premis itu sentiasa bersih dan segar sekurang-kurangnya sekali sehari;
- (b) hendaklah membasuh lantai premis itu dan dibersihkan sebersih-bersihnya sekurang-kurangnya sekali setiap hari dan dinding-dindingnya dijaga dalam keadaan bersih;
- (c) kelengkapan untuk tidur atau pakaian tidak boleh digantung atau disimpan atau dilonggokkan dalam mana-mana tempat makan. Kecuali di mana peruntukan-peruntukan yang cukup dibuat di tempat lain, almari atau laci yang sesuai dan mencukupi disediakan bagi menyimpan pakaian dan kasut yang tidak dipakai semasa bekerja bagi semua orang yang bekerja dalam tempat makan;
- (d) sesiapa yang bekerja dalam tempat-tempat makan yang dilesenkan di bawah Undang-Undang Kecil ini dan bekerja dalam penyediaan atau memasak makanan hendaklah setiap masa dalam bekerja itu berpakaian bersih, menggunakan apron dan kain penutup kepala yang sesuai untuk menutup rambut; dan

- (e) pemegang lesen hendaklah menjaga dan menyelenggara atau menyebabkan diselenggara tiap-tiap bahagian premis berlesen termasuk apa-apa pasangan dan lekapan, supaya berada dalam keadaan baik dan bersih pada setiap masa sehingga memuaskan hati Pihak Berkuasa Melesen.

Menyediakan tong sampah

18. Pemegang lesen hendaklah menyediakan tong sampah yang mencukupi seperti yang ditetapkan oleh Pihak Berkuasa Melesen sebagaimana perlu untuk membuang sampah.

Sampah pepejal basah

19. Semua sampah pepejal basah hendaklah dimasukkan dalam karung plastik atau lain-lain bekas yang sesuai sebelum dimasukkan ke dalam tong sampah.

Pembuangan sampah

20. (1) Pemegang lesen tidak boleh—

- (a) meletak atau membuang atau menyebabkan atau membenarkan ditempatkan atau membuang apa-apa habuk, debu, kertas, abu, bangkai, sampah, kotak, tong karung atau apa-apa barang ke dalam sesuatu longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premisnya;
- (b) menyimpan atau meninggalkan apa-apa jua benda atau barang di sesuatu tempat di mana ianya atau zarah daripadanya telah masuk atau mungkin masuk ke dalam sesuatu longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premisnya;
- (c) menjemur apa-apa benda makanan atau lain-lain benda atau barang di mana-mana longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premisnya;
- (d) membuang, meletak, menumpahkan atau menabur apa-apa darah, air masin, buangan cecair, cecair berbahaya atau lain-lain benda yang mengganggu atau benda kotor dari apa-apa jenis dialirkan atau masuk ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premisnya;

- (e) menjatuhkan, menumpahkan atau menabur apa-apa debu, pasir, tanah, kelikir, tanah liat, lempung, batu, rumput, rumput kering, tatal, habuk kayu, abu, sampah taman, sampah kandang, sampah tred, baja asli, sampah atau apa-apa barang lain atau benda ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premisnya;
- (f) mengayak, mengirai, mencuci, memukul atau dengan cara lain mengacau apa-apa kapur, abu, pasir, arang batu, rambut, kertas buangan, bulu atau lain-lain benda dengan sesuatu cara supaya ia diterbangkan atau mungkin diterbangkan oleh angin ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premisnya; atau
- (g) membuang atau meninggalkan apa-apa botol, gelas, tin, bekas makanan, pembungkus makanan, zarah makanan atau apa-apa benda atau barang lain ke dalam longkang, siar kaki, kawasan pejalan kaki atau mana-mana tempat awam atau jalan di hadapan, di belakang atau di sebelah premisnya.

(2) Walau apa pun perenggan (1), pemegang lesen hendaklah pada masa-masa tertentu yang diarahkan oleh Pegawai Kesihatan memindahkan dari premis berlesen itu semua barang-barang yang mudah dialih, dan menyebabkan dinding, lantai, siling dan bumbung dibersihkan dan semua kotoran dan sampah-sarap dibuang, seluruh premis dibersihkan sebersih-bersihnya atau dicat, dan dibuat semua pembaikan yang diperlukan kepada premis, pasangan dan perkakas-perkakas.

Pencemaran efluen dan kumbahan

21. Tiada mana-mana pemegang lesen boleh melepas atau menyebabkan atau membenarkan dilepaskan sebarang efluen atau kumbahan kecuali pada tempat atau tempat-tempat pelepasan efluen dan hendaklah mengikut cara sebagaimana yang ditetapkan oleh Pihak Berkuasa Melesen atau mana-mana pihak berkuasa yang berkenaan.

Bekalan air

22. (1) Bekalan air yang tetap dan mencukupi hendaklah disediakan pada setiap masa di mana-mana premis berlesen dan semua pili air hendaklah disambung terus ke paip air utama daripada bekalan air awam.

(2) Melainkan dikecualikan oleh Pihak Berkuasa Melesen, sistem air panas yang cukup muatannya hendaklah dipasang dalam tiap-tiap tempat makan bagi menyediakan air panas yang cukup berterusan bekalannya bagi semua sink dan lain-lain perkakas yang digunakan untuk membasuh bekas, perkakas dan lain-lain alatan.

(3) Permohonan untuk penyambungan bekalan air ke premis berlesen hendaklah dikemukakan mengikut prosedur dan mendapat kelulusan dari pihak berkuasa yang berkenaan.

(4) Tiada bekalan air boleh diambil dari pili atau sumber lain dari dalam tandas atau bilik air atau mana-mana sumber lain yang tidak sah.

Kemudahan kebersihan

23. (1) Pihak Berkuasa Melesen boleh menghendaki premis berlesen menyediakan tandas yang sesuai secara berasingan untuk lelaki dan wanita, sinki, besen membasuh, tempat mencuci pinggan mangkuk dan bilik basuh menurut apa-apa cara dan jumlah yang difikirkan patut oleh Pihak Berkuasa Melesen.

(2) Pemegang lesen hendaklah memastikan bahawa tiap-tiap tandas pada setiap masa dilengkapi dengan bekalan air yang mencukupi, kertas tandas, bahan pencuci, bahan pewangi atau pewangi udara, bekas sampah dan alat pengering tangan elektrik, tuala bergulung atau tuala bersih, kertas tisu, pili air dan baldi atau getah penyalur untuk bersuci.

(3) Pemegang lesen hendaklah memastikan semua tandas, sinki, besen membasuh, tempat membuang air kecil, bilik mandi, tempat mencuci pinggan mangkuk dan lain-lain alatan dan lekapan yang dipasang di dalamnya hendaklah dalam keadaan bersih pada setiap masa, diselenggarakan, dibaiki dan diganti apabila perlu dan dikehendaki oleh Pihak Berkuasa Melesen pada bila-bila masa.

(4) Dinding tandas, bilik mandi dan tempat membuang air kecil hendaklah dibuat daripada jubin bersinar dan tingginya ke paras siling atau tidak kurang dari 3 meter dan lantai hendaklah di pasang jubin tidak licin. Pepenjuru di antara lantai dengan dinding hendaklah dibulatkan setinggi 7 cm dengan bahan permukaan yang sama dengan lantai.

(5) Setiap tandas, tempat membuang air kecil, bilik mandi dan bilik basuh hendaklah dibekalkan dengan lampu dan peredaran udara yang mencukupi atau sebagaimana yang ditetapkan oleh Pihak Berkuasa Melesen.

(6) Setiap tandas, tempat membuang air kecil, sinki dan lain-lain kotoran buangan hendaklah disalurkan sebagaimana yang ditetapkan oleh Pihak Berkuasa Melesen.

(7) Bilik tandas tidak terbuka secara terus menerus kepada mana-mana bilik atau bahagian digunakan untuk penyimpanan, pengeluaran dan penghidangan makanan.

(8) Pemegang lesen hendaklah memastikan bahawa tandas sentiasa dibuka untuk kegunaan mana-mana orang semasa waktu perniagaan.

Pencahayaan dan pengalihudaraan

24. Pemegang lesen hendaklah memastikan bahawa—

- (a) terdapat cahaya yang terang dan mencukupi di dalam premisnya;
- (b) sistem lampu kecemasan dalam keadaan baik dan boleh dikendalikan dan hendaklah diletakkan di mana-mana tangga, laluan dan pintu keluar premis berlesen;
- (c) terdapat pengudaraan yang mencukupi di dalam premis itu; dan
- (d) setiap tangga, laluan dan jalan keluar kecemasan yang menjadi sebahagian dari premis itu mendapat pencahayaan yang mencukupi.

Keselamatan pekerja dan kebersihan

25. (1) Pemegang lesen hendaklah menyediakan suasana yang selamat dan sihat di premis berlesen kepada pekerjaannya seperti yang ditetapkan oleh Pihak Berkuasa Melesen.

(2) Lantai dan tangga di setiap premis berlesen hendaklah—

- (a) diselenggara dalam keadaan baik, tidak licin dan selamat; dan
- (b) bebas dari lubang atau jarak yang disebabkan pemasangan penutup, saliran air atau konduit yang tidak sempurna dan bebas dari paku-paku yang menonjol, injap atau paip terkeluar atau lain-lain yang tertonjol keluar atau halangan.

(3) Setiap premis berlesen hendaklah menyediakan kotak perubatan kecemasan yang mencukupi dan hendaklah dilengkapi dengan sempurna dan diletakkan pada tempat yang sesuai seperti yang ditetapkan oleh Pihak Berkuasa Melesen.

(4) Tiada sebarang peralatan atau barang milik pekerja atau pakaian boleh disimpan atau digantung di mana-mana bahagian premis berlesen kecuali di dalam almari kecil berkunci atau dalam bilik rehat atau ruangan yang diluluskan dan dibenarkan oleh Pihak Berkuasa Melesen.

(5) Pemegang lesen hendaklah memastikan premis berlesen menjadi tidak sesak sehingga boleh menyebabkan kecederaan atau merbahaya kepada kesihatan pekerjaannya.

Pemeriksaan perubatan bagi orang yang bekerja di establisymen makanan

26. (1) Semua pengendali makanan hendaklah diperiksa daripada segi kesihatan dan diberi vaksin oleh pengamal perubatan berdaftar.

(2) Mana-mana pengendali makanan yang menghidap, atau merupakan pembawa penyakit bawaan makanan atau yang disyaki menghidap, atau merupakan pembawa penyakit bawaan makanan hendaklah—

- (a) tidak dibenarkan untuk memasuki premis makanan atau mengendalikan makanan;
- (b) melaporkan dengan segera kepada pihak pengurusan premis makanan berkenaan dengan keadaan kesihatannya; dan
- (c) digantung daripada bekerja di premis makanan sehingga dia disahkan sembuh daripada penyakit dan sihat dari segi perubatan untuk bekerja oleh pengamal perubatan berdaftar sebelum dia dibenarkan untuk memasuki premis makanan itu atau mengendalikan makanan.

Peruntukan bilik persalinan, dsb.

27. (1) Pihak Berkuasa Melesen boleh dengan notis bertulis menghendaki mana-mana pemegang lesen supaya menyediakan kemudahan bilik sembahyang untuk orang Islam, bilik istirehat, kantin, bilik salin pakaian dan almari yang sesuai atau apa-apa kemudahan lain untuk pekerjaanya.

(2) Jika pekerja di premis berlesen terdiri daripada lelaki dan perempuan, kemudahan bilik sembahyang, bilik istirehat, bilik salin pakaian dan almari hendaklah disediakan secara berasingan oleh pemegang lesen.

Pencegahan kebakaran

28. Pemegang lesen hendaklah memastikan bahawa—

- (a) kelengkapan memadam kebakaran yang mencukupi disediakan, diselenggara dan berfungsi dengan baik;
- (b) semua tangga, laluan, pelantar dan jalan keluar yang mencukupi disediakan, diselenggara dan berfungsi dengan baik; dan
- (c) semua tangga, laluan, pelantar dan jalan keluar bebas dari segala halangan dan tiap-tiap pintu di dalamnya dibina dan dipasang sedemikian cara supaya dapat dibuka dengan senang.

Bilik stor dan kemudahan stor penyimpanan lain

29. (1) Bilik stor atau kawasan simpanan hendaklah disediakan untuk menyimpan bahan makanan, peralatan dapur, perkakas dan pinggan mangkuk dan bilik stor tersebut atau kawasan penyimpanan tidak boleh digunakan sebagai tempat tinggal atau tujuan lain dan hendaklah disenggarakan supaya berkeadaan bersih pada setiap masa.

(2) Makanan hendaklah disimpan di dalam bilik yang sesuai, cukup besar untuk penyimpanan yang berasingan bahan mentah daripada bahan yang telah diproses dan penyimpanan sejuk berasingan yang mencukupi.

(3) Makanan tidak disimpan dalam kemudahan penyimpanan yang sama dengan agen pembersih dan penyahjangkit.

(4) Makanan dikekalkan bersih, bebas daripada pencemaran, berbau busuk, terlindung daripada lembapan, debu atau perosak dan dihalang daripada bersentuhan dengan bahan mentah atau apa-apa barang lain yang menyumbang kepada apa-apa pencemaran makanan yang menyumbang kepada apa-apa pencemaran makanan.

(5) Makanan, bahan makanan mentah, peralatan dapur, perkakas dan pinggan mangkuk hendaklah ditempatkan atau disusun dengan jarak minimum—

(a) 15 sentimeter di antara dinding kemudahan penyimpanan dan makanan itu disimpan; dan

(b) tidak kurang 50 sentimeter (20 inci) dari paras lantai.

(6) Makanan berisiko tinggi disimpan di dalam bekas bertutup, berlabel dan disimpan berasingan daripada makanan yang tidak dibungkus kedap atau dibalut.

(7) Makanan cepat rosak atau makanan berisiko tinggi disimpan pada suhu yang sesuai yang akan melindunginya daripada kemerosotan dan rosak.

(8) Bahan mentah atau ramuan untuk penyediaan makanan dilabel dan disimpan dalam keadaan yang sesuai untuk menghalang kemerosotan dan melindunginya daripada pencemaran.

(9) Stok makanan digantikan dengan tetap berdasarkan asas “masuk dulu keluar dulu”.

(10) Pemegang lesen hendaklah tidak menyimpan makanan dingin atau sejuk beku melebihi muatan maksimum sesuatu kemudahan penyimpanan.

(11) Pemegang lesen hendaklah menyimpan makanan segar yang dihasratkan untuk dijual secara runcit dalam keadaan—

(a) suhu dikekalkan di antara atau 1°C hingga 4°C ; atau

(b) untuk makanan sejuk beku pada suhu -18°C , dalam suatu kemudahan penyimpanan.

(12) Pemegang lesen hendaklah memastikan bahawa rantaian sejuk makanan dingin atau sejuk beku tidak terganggu semasa penyimpanan makanan itu, tetapi kawalan suhu di luar bagi tempoh yang terhad yang tidak menyebabkan risiko kepada kesihatan adalah dibenarkan.

(13) Dalam mana-mana premis establisymen makanan di mana kedua-dua jenis makanan halal dan tidak halal disediakan dan dihidangkan, pemegang lesen hendaklah—

- (a) berasingan membasuh dan menyimpan makanan, perkakas, alat, kelengkapan, pinggan mangkuk atau kutleri yang digunakan bagi menyediakan dan menghidangkan makanan tidak halal dan makanan halal, berasingan dan di tempat yang berlainan;
- (b) secara berasingan menggunakan satu (1) set perkakas, alat, kelengkapan, pinggan mangkuk atau kutleri yang berasingan bagi menyediakan dan menghidangkan makanan tidak halal dan makanan halal; dan
- (c) menyeter atau menyimpan makanan, perkakas, alat, kelengkapan, pinggan mangkuk atau kutleri yang digunakan bagi menyediakan dan menghidangkan makanan tidak halal dan makanan halal, berasingan dan di tempat-tempat yang berlainan.

(14) Pemegang lesen hendaklah memastikan bahawa apa-apa perkakas, alat, kelengkapan, pinggan mangkuk atau kutleri yang digunakan untuk menyediakan dan menghidangkan makanan tidak halal sahaja tidak diambil dari dan digunakan di mana-mana tempat selain dari tempat di mana makanan tidak halal sahaja disediakan dan dihidangkan.

(15) Jika makanan tidak halal sahaja disediakan dan dihidangkan di mana-mana establisymen makanan pemegang lesen hendaklah pada setiap masa menunjukkan perkataan “Makanan Tidak Halal Sahaja” di mana-mana kawasan premis yang mudah dilihat.

(16) Bagi maksud Undang-Undang Kecil ini—

(a) “makanan halal” ertinya makanan yang—

- (i) bukanlah dan juga tidaklah terdiri daripada atau mengandungi apa-apa bahagian atau benda daripada binatang di mana orang Islam dilarang oleh Hukum Syarak memakannya atau tidak disembelih mengikut Hukum Syarak;
- (ii) tidak mengandungi apa-apa benda yang difikirkan sebagai najis mengikut Hukum Syarak;
- (iii) tidaklah disediakan, diproses atau dikilang dengan menggunakan apa-apa yang tidak bebas daripada apa-apa najis menurut Hukum Syarak; dan
- (iv) tidaklah dalam masa menyediakan, memproses atau menyimpannya itu bersentuhan dengan atau berdekatan dengan apa-apa makanan yang tidak memenuhi kehendak subsubperenggan (i), (ii) atau (iii) atau apa-apa benda yang difikirkan sebagai najis menurut Hukum Syarak;

- (b) "Hukum Syarak" ertinya undang-undang Islam dalam Mazhab Syafie atau undang-undang Islam dalam mana-mana Mazhab lain iaitu Maliki, Hambali atau Hanafi yang telah dipersetujui oleh Majlis Agama Islam Perak dan berkuat kuasa di Majlis Daerah Batu Gajah; dan
- (c) "najis"ertinya apa-apa benda yang dilarang oleh Hukum Syarak bagi orang Islam memakan, meminum atau menggunakan.

Kehendak Sijil Halal

30. Establisymen makanan yang mempamerkan "logo halal", hendaklah mendapatkan Sijil Halal dari Jabatan Kemajuan Islam Malaysia (JAKIM) sahaja.

Pembakaran

31. Pemegang lesen tidak boleh membakar atau menyebabkan dibakar bahan pembakar atau sampah sarap melainkan mengikut cara dan di tempat yang diluluskan oleh Pihak Berkuasa Melesen.

Penyebaran habuk, dsb.

32. Pemegang lesen tidak boleh menyebabkan, membenarkan atau mengizinkan penyebaran apa-apa kuantiti habuk, asap, wap, haba gas, pancaran, bau hiduan, getaran, asap atau jelaga dari tempat atau premis berlesennya yang adalah suatu kacau ganggu atau mencemarkan udara.

Bising

33. Pemegang lesen tidak boleh membuat atau menyebabkan bising yang akan menjadi kacau ganggu semasa menjalankan apa-apa aktiviti establisymen makanan.

Waktu perniagaan

34. Pihak Berkuasa Melesen boleh mengarahkan mana-mana aktiviti establisymen makanan tidak dibenarkan dijalankan di suatu tempat atau premis berlesen melainkan pada masa dan jam yang ditetapkan oleh Pihak Berkuasa Melesen.

Penggredan establisymen makanan

35. (1) Pihak Berkuasa Melesen boleh pada bila-bila masa menilai dan menggredkan mana-mana establisymen makanan berdasarkan keadaan sanitari premis dan kebersihan berkaitan dengan makanan, orang yang mengurus makanan dan amalan pengurusan makanan serta mana-mana kriteria yang difikirkan sesuai.

Dengan syarat bahawa tiada apa-apa jua dalam Undang-Undang Kecil ini boleh ditafsirkan sebagai menghalang mana-mana pemegang lesen daripada dikenakan pendakwaan oleh Majlis bagi kesalahan di bawah Undang-Undang Kecil ini dan undang-undang lain yang berkuat kuasa.

(2) Apabila penilaian dilakukan dan penggredan telah ditentukan, Pihak Berkuasa Melesen hendaklah mengeluarkan kepada pemegang lesen establisymen makanan suatu sijil atau kad kategori mengikut apa-apa bentuk yang ditentukan oleh Pihak Berkuasa Melesen yang menunjukkan gred establisymen makanan itu digredkan.

(3) Pihak Berkuasa Melesen boleh pada bila-bila masa menilai semula apa-apa gred dalam mana-mana sijil atau kad kategori dalam hal mana suatu sijil atau kad kategori baru hendaklah dikeluarkan kepada pemegang lesen.

(4) Pemegang lesen hendaklah mempamerkan sijil atau kad kategori di suatu tempat yang mudah dilihat di establisymen makanannya.

(5) Tiada seorang pemegang lesen pun boleh mengalihkan, meminda, mencacatkan atau merosakkan, atau menyebabkan atau membenarkan untuk dialihkan, dipinda, dicacatkan atau dirosakkan suatu sijil atau kad kategori.

Membersih botol dan bekas

36. (1) Semasa proses membotolkan, mengetinkan dan membuat minuman berkarbonat, minuman kordial, bir atau sebarang makanan atau minuman, cara yang sesuai dan berkesan untuk mencuci botol dan bekas hendaklah dipakai seperti diarahkan oleh Pihak Berkuasa Melesen.

(2) Semua proses mengetin, membotol, membungkus, menyimpan atau membuat sebarang makanan, langkah yang sesuai hendaklah diambil untuk mengelakkan makanan tersebut dari tercemar.

Pengawasan serangga dan binatang perosak

37. (1) Setiap pemegang lesen hendaklah pada setiap masa mengambil langkah yang sesuai yang mungkin perlu untuk memastikan premis bebas daripada tikus, lalat, serangga, kutu atau hama.

(2) Pihak Berkuasa Melesen boleh pada bila-bila masa mengarahkan pemegang lesen untuk mengambil semua langkah yang sewajarnya bagi memastikan premis tersebut bebas daripada tikus, lalat, serangga, kutu atau hama.

(3) Jika arahan di bawah perenggan (2) gagal dipatuhi oleh pemegang lesen, Pihak Berkuasa Melesen boleh melaksanakan arahan tersebut dan apa-apa perbelanjaan dilakukan oleh Pihak Berkuasa Melesen pada menjalankan apa-apa kerja dalam melaksanakan arahan tersebut, Pihak Berkuasa Melesen hendaklah memberi suatu perakuan mengenai kos kerja itu kepada pemegang lesen dan perakuan Pihak Berkuasa Melesen itu adalah bukti muktamad mengenai jumlah wang yang kena bayar itu.

Anggapan

38. (1) Bagi maksud Undang-Undang Kecil ini, hendaklah dianggap sehingga dibuktikan sebaliknya, bahawa sebarang makanan yang disediakan, dikeluarkan, dibungkus, ditin, dibotolkan, distorkan atau dihidangkan sebagai makanan manusia atau bermaksud dijual sebagai makanan manusia.

(2) Jika sebarang makanan dijual atau dipamerkan untuk dijual, hendaklah, melainkan jika dibuktikan sebaliknya, dianggap akan dijual atau dipamerkan untuk jualan sebagai makanan manusia.

(3) Bagi maksud Bahagian ini, hendaklah dianggap bahawa setiap orang yang menyediakan, menjual atau menghidangkan makanan di mana-mana establisymen makanan, sehingga dibuktikan sebaliknya, adalah orang yang mengendalikan establisymen makanan tersebut.

BAHAGIAN IV

KEPERLUAN KHAS KEDAI MAKAN

Makanan hendaklah ditutup

39. Seorang pemegang lesen hendaklah menyimpan semua benda makanan atau minuman di dalam bekas gelas atau apa-apa penutup lain supaya makanan dan minuman itu tidak disentuh atau dicemari oleh habuk, kotoran, asap, lalat atau serangga dan makanan atau minuman itu hendaklah dalam keadaan yang bersih.

Dilarang tidur di dalam kedai makan

40. Tiada pemegang lesen boleh membenarkan mana-mana bahagian kedai makan yang dibuka kepada orang awam digunakan sebagai tempat tidur.

Meja hendaklah disediakan

41. Suatu kedai makan hendaklah disediakan dengan meja yang permukaannya dibuat dari batu marmar, kaca atau kayu yang ditutup dengan formika atau bahan lain seperti yang dibenarkan oleh Pihak Berkuasa Melesen.

Jenis dapur

42. Hanya dapur gas atau elektrik atau apa-apa dapur yang dibenarkan secara bertulis oleh Pihak Berkuasa Melesen sahaja yang boleh digunakan untuk memasak atau memanaskan makanan atau air di tempat menyediakan hidangan atau dewan makan bagi kedai makan tersebut. Tiada dapur kayu api atau arang boleh digunakan untuk memasak atau memanaskan makanan ditempat menghidang atau dewan makan premis itu di mana orang awam boleh keluar-masuk kecuali yang dibenarkan oleh Pihak Berkuasa Melesen.

Gerai

43. (1) Pihak Berkuasa Melesen boleh membenarkan gerai-gerai perseorangan untuk beroperasi dalam mana-mana kedai makan dengan syarat setiap gerai tersebut dikenakan fi seperti dalam Jadual Kedua.

(2) Bilangan dan kedudukan gerai tersebut hendaklah sebagaimana ditetapkan oleh Pihak Berkuasa Melesen.

(3) Jika Pihak Berkuasa Melesen membenarkan mana-mana gerai untuk beroperasi dalam mana-mana kedai makan pemegang lesen hendaklah mematuhi syarat yang berikut—

- (a) gerai tersebut hendaklah ditutup dengan keluli tahan karat atau bahan lain yang kalis air seperti yang diluluskan oleh Pihak Berkuasa Melesen;
- (b) segala makanan yang dipamerkan hendaklah disimpan dalam keadaan bertutup dalam rak-rak kaca atau petak-petak bagi mengelakkan sebarang pencemaran kepada makanan yang disimpan; dan
- (c) gerai tersebut hendaklah diselenggarakan dalam keadaan bersih sepanjang masa.

Langkah kesihatan awam yang lain

44. Tiada bangunan atau tempat boleh digunakan sebagai kedai makan kecuali jika syarat berikut dipatuhi—

- (a) bagi dewan makan—
 - (i) lantai sesuatu ruang makan di kedai makan atau restoran hendaklah berjubin atau dari bahan yang sesuai seperti yang diluluskan Pihak Berkuasa Melesen dan hendaklah sentiasa dijaga dalam keadaan bersih setiap masa; dan

- (ii) dinding dewan makan, kawasan hidangan dan sebarang kawasan lain seperti yang dikehendaki oleh Pihak Berkuasa Melesen hendaklah dipasang dengan jubin setinggi tidak kurang 1.5 meter dari lantai dan jika kedai itu berhawa dingin, dindingnya bolehlah dipasang dengan panel kayu atau lain-lain bahan permukaan licin seperti diluluskan oleh Pihak Berkuasa Melesen;
- (b) bagi bahagian dapur—
- (i) lantai dapur hendaklah dijubin atau dari bahan yang sesuai seperti yang diluluskan Pihak Berkuasa Melesen;
 - (ii) dindingnya hendaklah dipasang dengan jubin setinggi ke paras siling atau tidak kurang dari 3 meter dari lantai. Pepenjuru di antara lantai dengan dinding hendaklah dibulatkan setinggi 7 cm dengan bahan permukaan yang sama dengan lantai; dan
 - (iii) hendaklah dipasang dengan corong asap dan serombong asap sehingga melepasi paras bumbung sehingga apa-apa pelepasan atau asap tidak menjadi kacau ganggu kepada awam, melainkan mendapat pengecualian bertulis dari Pihak Berkuasa Melesen.
- (c) satu tempat membasuh yang sesuai hendaklah disediakan dengan sinki membasuh dalam bilangan yang mencukupi seperti dikehendaki oleh Pihak Berkuasa Melesen dan tidak dibenarkan membasuh peralatan dapur dan perkakas lain di dewan makan, kawasan hidangan atau sebarang kaki lima, lorong belakang, lorong sisi atau di atas sebarang parit, atau pada ketinggian kurang dari 0.5 meter daripada paras lantai;
- (d) hendaklah disediakan besin-besin basuh tangan yang secukupnya yang diperbuat dari tembikar bergris atau keluli tahan karat untuk kegunaan pelanggan-pelanggan;
- (e) hendaklah disediakan secukupnya tandas (mangkuk atau palung) dan bilik air dengan sistem pam tarik automatik untuk kegunaan pelanggan-pelanggan dan ia hendaklah sentiasa bersih dan berfungsi dengan sempurna pada setiap masa;
- (f) kemudahan tandas perlu diasingkan untuk kegunaan lelaki dan perempuan;
- (g) tiada botol-botol kosong boleh dilonggokkan atau disimpan di tempat menghidang, dewan makan atau lorong-lorong menuju ke belakang premis-premis itu;
- (h) tiada perjudian dalam bentuk apa sekalipun boleh dijalankan atau ditonton di mana-mana bahagian premis-premis itu;
- (i) tiada makanan yang telah dimasak yang dikhaskan untuk jualan boleh diletak di atas lantai di mana-mana bahagian premis-premis itu;

- (j) segala pinggan mangkuk, perkakas kaca dan perkakas lain yang digunakan dalam penyediaan hidangan atau penggunaan makan tidak boleh sumbing, pecah, retak dan hendaklah setiap masa selepas digunakan—
- (i) dibasuh bersih dan selepas itu dibilas dengan air panas; dan
 - (ii) kecuali jika tidak perlu segera digunakan, disimpan dalam almari yang tertutup dan dilindungi dari habuk, serangga dan kotoran; dan
- (k) hendaklah boleh didapati bagi tujuan pemeriksaan dalam mana-mana kedai makan sesuatu pelan lantai yang diluluskan oleh Yang Dipertua yang menunjukkan—
- (i) ruang yang diuntukkan bagi penyediaan makanan;
 - (ii) ruang yang diuntukkan bagi memasak;
 - (iii) ruang yang diuntukkan bagi menghidang makanan kepada pelanggan-pelanggan;
 - (iv) ruang yang diuntukkan bagi membersihkan, mengering dan menyimpan alat perkakas; dan
 - (v) ruang menyimpan dan membuang sampah.

BAHAGIAN V

KEPERLUAN KHAS KILANG ROTI

Meja, dsb. mesti dibersihkan

45. Pemegang lesen hendaklah memastikan bahawa setiap meja membuat roti dan tiap-tiap meja yang lain, rak atau barang yang digunakan untuk meletakkan roti, kek, biskut atau bahan makanan lain yang disimpan di dalamnya atau di atasnya hendaklah diperbuat dari keluli tahan karat, batu marmar atau kaca di permukaannya, atau bahan lain yang licin dan kalis air seperti mana yang diluluskan oleh Pihak Berkuasa Melesen dan semua peralatan hendaklah dibasuh dan dibersihkan sekurang-kurangnya sekali sehari.

Dinding dan lantai

46. (1) Dinding dapur, tempat membakar, menyedia dan membungkus hendaklah diperbuat daripada jubin sekurang-kurangnya 3.0 meter dari paras lantai atau ke paras siling.

(2) Lantai dapur hendaklah dijubin atau dibuat daripada sebarang bahan kalis air yang diluluskan oleh Pihak Berkuasa Melesen. Pepenjuru di antara lantai dengan dinding hendaklah dibulatkan setinggi 7 cm dengan bahan permukaan yang sama dengan lantai.

Dapur pembakar roti

47. (1) Setiap dapur pembakar roti atau tempat di mana ketuhar membakar ditempatkan hendaklah dibina dari bahan yang tidak mudah terbakar seperti yang dikehendaki oleh Pihak Berkuasa Melesen dan terletak di tempat pengalihudaraan bebas dan tidak menyebabkan kacau ganggu atau bahaya kepada premis berhampiran.

(2) Tiada tempat pada paras yang sama dengan sesuatu tempat membakar roti dan merupakan sebahagian dari bangunan yang sama tidak boleh digunakan sebagai tempat tidur atau untuk memasak makanan.

(3) Tiada bilik persalinan boleh berhubung terus dengan kawasan pembakar roti.

Langkah kesihatan awam yang lain

48. (1) Semua roti, kek, biskut atau konfeksi lain hendaklah tidak terdedah kepada bahan kotoran semasa dipindahkan dari dapur pembakar roti.

(2) Roti, kek, biskut atau konfeksi lain, keadaannya telah dibalut dengan kemas, tidak boleh diletak di mana-mana tempat selain dari atas meja, dulang atau rak atau bekas lain yang sesuai tidak kurang dari 0.5 meter dari paras lantai.

(3) Persediaan yang cukup dan teliti hendaklah disediakan pada semua kilang roti untuk menerima dan menyimpan roti, kek, biskut atau konfeksi lain yang telah siap dibakar.

(4) Tepung dan adunan lain dalam kilang roti hendaklah disimpan dalam bekas yang tidak boleh dicemari oleh tikus atau serangga.

(5) Stor yang digunakan untuk menyimpan tepung dan bahan mentah lain dan peralatan hendaklah bebas daripada dicemari oleh tikus atau serangga.

(6) Tiada sesiapa boleh duduk, berdiri, baring, atau tidur di atas meja atau para dalam mana-mana tempat membuat roti.

BAHAGIAN VI

KEPERLUAN KHAS UNTUK TEMPAT TENUSU

Kebersihan tempat tenusu

49. Pemegang lesen hendaklah menyelenggara dan menjadikan keseluruhan tempat tenusnya bersih pada setiap masa seperti yang dikehendaki oleh Pihak Berkuasa Melesen dan hendaklah mengecat tempat tenusnya apabila dan seperti yang diarahkan oleh Pihak Berkuasa Melesen.

Penjualan dan penyimpanan susu

50. (1) Tiada pemegang lesen boleh meletak atau menyimpan susu di mana-mana tempat selain dari tempat yang ditentukan oleh Pihak Berkuasa Melesen.

(2) Mana-mana orang yang menjual susu mentah hendaklah menyimpan susu itu pada suhu di bawah 4°C di dalam unit penyejukan atau ruang penebat, atau di dalam ruang lain yang sesuai jika perlu di mana tiada makanan lain yang boleh mencemarkan susu.

(3) Mana-mana orang yang menjual susu dalam bungkusan lak hendaklah mematuhi kehendak yang berikut—

(a) lak itu tidak terusik sebelum penjualan; dan

(b) susu itu dijual dalam bentuk, bekas dan kuantiti asalnya sebagaimana susu itu diterima di premis makanan daripada mana susu itu dijual.

Bekas untuk jualan susu

51. (1) Tiada pemegang lesen boleh menghantar susu untuk jualan atau agihan dalam sebarang bekas yang terbuka.

(2) Semua bekas yang digunakan untuk membawa susu hendaklah disediakan dengan penutup yang sempurna dan jika susu diagihkan di dalam bekas susu, bekas susu tersebut hendaklah disediakan dengan penutup yang sesuai dan bersih.

Pencucian bekas susu

52. Pemegang lesen hendaklah menyenggara kesemua bekas susu supaya dalam keadaan bersih dan membersihkannya setelah ianya digunakan dengan menggunakan wap panas atau air panas.

Bekas susu tidak boleh digunakan untuk minum

53. Pemegang lesen tidak boleh membenarkan mana-mana orang meminum terus dari bekas atau dari alat sukatannya yang digunakan olehnya dalam penjualan susu.

Kebersihan yang perlu diawasi semasa pemerah susu

54. Pemegang lesen hendaklah memastikan binatang yang diperah susunya berada dalam keadaan bersih dan bebas dari apa-apa penyakit.

Penyakit di premis

55. (1) Pemegang lesen hendaklah memastikan tiada sebarang penyakit berjangkit pada binatang peliharaannya.

(2) Pemegang lesen hendaklah memberitahu kepada Pihak Berkuasa Melesen dengan serta-merta apabila mendapati ada binatang di tempat tenusunya dihinggapai penyakit berjangkit atau wabak.

(3) Pemegang lesen tidak boleh menjual atau mencampurkan dengan susu lain, susu daripada binatang yang berjangkit atau susu daripada binatang yang bergaul atau mempunyai perhubungan dengan binatang berpenyakit atau di mana pada pendapat Pihak Berkuasa Melesen mungkin telah menjadi tercemar.

(4) Pemegang lesen tidak boleh membenarkan mana-mana orang yang dijangkiti atau membawa penyakit berjangkit atau sesiapa yang mempunyai hubungan dengan mana-mana orang yang telah mengidap penyakit berjangkit, menduduki atau memasuki mana-mana tempat tenusu atau pemerah susu dari mana-mana binatang atau terlibat dalam apa-apa kerja semasa mengendalikan perniagaannya.

(5) Pemegang lesen hendaklah apabila mendapati mana-mana orang dalam tempat tenusunya atau yang mendiami rumahnya mengidap atau disyaki mengidap sebarang penyakit berjangkit hendaklah dengan seberapa segera memberitahu kepada Pihak Berkuasa Melesen.

(6) Pihak Berkuasa Melesen hendaklah dalam tempoh yang munasabah setelah mendapat laporan mengenai mana-mana orang yang mengidap atau disyaki mengidap penyakit berjangkit melaporkan perkara tersebut kepada pihak berkuasa berkenaan kesihatan.

(7) Tiap-tiap pemegang lesen hendaklah mengambil semua tindakan yang munasabah dan tertentu berkaitan dengan pengendalian, penyimpanan dan pengedaran susu bagi mengelakkan terdedahnya susu kepada apa-apa jangkitan atau pencemaran.

Perintah memberhentikan bekalan, pengagihan atau penjualan susu

56. Jika Pihak Berkuasa Melesen berpendapat bahawa sebarang penyakit berjangkit adalah disebabkan atau didapati munasabah disebabkan kerana meminum susu yang diperolehi mana-mana tempat tenusu, atau dengan itu kesihatan awam berada dalam bahaya oleh sebarang tindakan atau kelalaian mana-mana pemegang lesen, Pihak Berkuasa Melesen boleh membuat perintah bertulis melarang pemegang lesen dari terus beroperasi, membekalkan, mengagihkan atau menjual sebarang susu dan pemegang lesen tidak boleh selepas itu membekal, mengagih, menjual atau menawarkan untuk jualan sebarang susu selama mana perintah tersebut masih berkuat kuasa.

BAHAGIAN VII

PENGUATKUASAAN

Kuasa memasuki dan memeriksa

57. (1) Pihak Berkuasa Melesen atau Pegawai Yang Diberi Kuasa boleh pada setiap masa yang munasabah, tanpa waran dengan tujuan untuk menentukan samaada syarat atau sekatan sesuatu lesen atau peruntukan Undang-Undang Kecil ini dipatuhi dengan—

- (a) memasuki mana-mana premis yang menjalankan aktiviti establisymen makanan; dan
- (b) menjalankan apa-apa pemeriksaan di premis itu.

(2) Jika pihak Berkuasa Melesen atau Pegawai Yang Diberi Kuasa ada sebab untuk mempercayai adanya berlaku suatu kesalahan di bawah Undang-Undang Kecil ini di mana-mana premis berlesen atau tidak berlesen, maka orang yang tinggal di dalam atau menjaga tempat itu hendaklah membenarkan Pihak Berkuasa Melesen atau Pegawai Yang Diberi Kuasa itu masuk dengan bebas ke dalamnya, iaitu apabila diminta oleh mana-mana orang yang tersebut itu, dan memberikan segala kemudahan yang munasabah untuk menjalankan pengeledahan di dalamnya.

(3) Jika tidak dapat masuk ke dalam mana-mana premis berlesen atau tidak berlesen mengikut perenggan (2) di atas, maka adalah sah bagi Pihak Berkuasa Melesen atau Pegawai Yang Diberi Kuasa, setelah memperkenalkan dirinya dan tujuan kemasukan itu kepada pemegang lesen atau mana-mana orang yang berada di premis tersebut, pekerjanya atau mana-mana orang yang berada di premis tersebut untuk memasuki ke dalam premis itu tanpa waran dan menggeledah tempat itu dan bolehlah memecahkan mana-mana pintu luar atau dalam atau tingkap supaya dapat masuk ke dalamnya.

(4) Apabila mana-mana premis yang hendak dipegeladah atau diperiksa di bawah Undang-Undang Kecil ini tertutup, maka pemegang lesen, pekerjaanya atau orang yang menjaga premis itu, jika ada, hendaklah atas permintaan Pihak Berkuasa Melesen atau Pegawai Yang Diberi Kuasa membuka atau menyebabkan premis itu dibuka, dan hendaklah membenarkan mana-mana pegawai tersebut masuk apabila diminta olehnya dan hendaklah memberi segala kemudahan yang munasabah bagi menjalankan pengeledahan di dalamnya dan jika premis itu tidak dapat dimasuki, maka mana-mana pegawai tersebut boleh mengambil tindakan mengikut cara yang diperuntukkan oleh perenggan (3) jika dia mempunyai sebab yang munasabah untuk mempercayai bahawa satu kesalahan di bawah Undang-Undang Kecil ini telah dilakukan di tempat itu.

Pengeledahan

58. (1) Jika mana-mana Majistret, atas maklumat bertulis dan selepas siasatan yang difikirkannya perlu, mempunyai sebab untuk percaya bahawa—

- (a) suatu kesalahan di bawah Undang-Undang Kecil ini telah atau sedang dilakukan di mana-mana premis; atau
- (b) apa-apa keterangan atau benda yang perlu untuk penyiasatan apa-apa kesalahan di bawah Undang-Undang ini boleh ditemui di mana-mana premis,

c

dia boleh melalui waran, membenarkan Pihak Berkuasa Melesen atau Pegawai Yang Diberi Kuasa, yang dinamakan dalam waran itu, dengan apa-apa bantuan yang diperlukan untuk masuk dan menggeledah tempat itu.

(2) Walau apa pun di bawah peruntukan perenggan (1), jika Pihak Berkuasa Melesen atau Pegawai Yang Diberi Kuasa, ada alasan yang munasabah untuk percaya bahawa—

- (a) suatu kesalahan di bawah Undang-Undang Kecil ini telah atau sedang dilakukan di mana-mana premis; dan
- (b) oleh sebab apa-apa kelengahan untuk mendapatkan waran geledah tujuan pengeledahan itu mungkin akan terkilan,

maka Pihak Berkuasa Melesen atau Pegawai Yang Diberi Kuasa boleh memasuki tempat itu dan menggeledah tempat itu dan memeriksa mana-mana orang yang semunasabahnya dipercayai olehnya mempunyai kaitan dalam pengurusan mana-mana premis itu.

Pemeriksaan orang perempuan

59. Tiada orang perempuan boleh diperiksa di bawah undang-undang kecil 57 atau 58 kecuali oleh seorang perempuan lain dan pemeriksaan itu hendaklah dijalankan dengan memberikan perhatian teliti kepada kesopanan.

Penyitaan

60. (1) Pihak Berkuasa Melesen atau Pegawai Yang Diberi Kuasa yang menjalankan kuasa di bawah undang-undang kecil 57 dan 58, boleh menyita apa-apa benda yang semunasabahnya dipercayai olehnya sebagai mempunyai kaitan dengan, atau dapat memberikan keterangan tentang, pelakuan sesuatu kesalahan di bawah Undang-Undang Kecil ini di dalam atau di luar premis yang digeledah, atau di mana-mana tempat di dalam kawasan pentadbiran Majlis.

(2) Pihak Berkuasa Melesen atau pegawai yang diberi kuasa yang menyita apa-apa benda di mana-mana premis atau lokasi di bawah perenggan (1) hendaklah menyediakan suatu senarai benda yang disita dan dengan segera menyerahkan suatu salinan yang ditandatangani olehnya kepada pemegang lesen, pengusaha, penghuni atau tuan punya premis itu, atau ejennya, yang berada di premis itu.

(3) Jika premis berlesen itu tidak berpenghuni, Pihak Berkuasa Melesen atau Pegawai Yang Diberi Kuasa yang menyita itu hendaklah bila mana mungkin menampalkan senarai benda yang disita itu di tempat yang mudah dilihat di premis itu.

(4) Apa-apa benda yang disita di bawah Undang-Undang Kecil ini boleh diterima sebagai keterangan dalam mana-mana prosiding di bawah Undang-Undang Kecil ini.

(5) Jika, oleh sebab jenis atau amaunnya, tidaklah praktik untuk memindahkan apa-apa benda yang disita di bawah Undang-Undang Kecil ini, Pihak Berkuasa Melesen atau pegawai diberi kuasa yang menyita itu hendaklah dengan apa-apa cara melak benda itu dalam premis yang di dalamnya ia dijumpai.

(6) Mana-mana orang yang tanpa kuasa yang sah memecahkan, mengganggu atau merosakkan lak yang disebut dalam perenggan (5) atau memindahkan apa-apa benda yang dilak atau cuba berbuat demikian adalah melakukan satu kesalahan.

Pelucuthakan

61. Semua benda yang disita di bawah Undang-Undang Kecil ini boleh dilucuthakkan.

Pelucuthakan jika ada pendakwaan

62. (1) Jika ada pendakwaan yang melibatkan apa-apa benda yang disita di bawah Undang-Undang Kecil ini, maka pelucuthakan atau pelepasan mana-mana benda sedemikian hanya boleh dibuat mengikut perintah Mahkamah yang di hadapannya pendakwaan itu telah diadakan.

(2) Walau apa pun di bawah peruntukan perenggan (1), jika dibuktikan sehingga Mahkamah berpuas hati bahawa—

- (a) suatu kesalahan terhadap mana-mana peruntukan Undang-Undang Kecil ini telah dilakukan; dan
- (b) mana-mana benda ialah hal perkara, bagi atau telah digunakan dalam melakukan kesalahan itu,

Mahkamah hendaklah melucuthakkan dokumen atau benda itu walaupun tiada seorang pun telah disabitkan atas kesalahan itu.

(3) Semua benda yang dilucuthakkan di bawah Undang-Undang Kecil ini hendaklah diserahkan kepada Pihak Berkuasa Melesen dan hendaklah dilupuskan mengikut arahan Pihak Berkuasa Melesen itu.

Pelucuthakan jika tiada pendakwaan

63. (1) Jika tiada pendakwaan yang melibatkan apa-apa benda yang telah disita di bawah Undang-Undang Kecil ini, maka benda itu hendaklah diambil dan disifatkan telah terlucuthak apabila tamat tempoh satu bulan kalendar dari tarikh penyitaannya melainkan jika suatu tuntutan telah dibuat baginya sebelum tamat tempoh itu mengikut cara yang dinyatakan dalam perenggan (2).

(2) Mana-mana orang yang menyatakan bahawa dia adalah pemunya apa-apa benda yang disita di bawah Undang-Undang Kecil ini dan bahawa benda itu tidak boleh dilucuthakkan, boleh sama ada secara sendiri atau melalui ejennya yang diberi kuasa secara bertulis, memberikan notis bertulis kepada Pihak Berkuasa Melesen bahawa dia menuntut benda yang disita itu.

(3) Apabila Pihak Berkuasa Melesen menerima notis di bawah perenggan (2), Pihak Berkuasa Melesen boleh mengarahkan supaya benda itu dilepaskan kepada penuntut, tertakluk kepada pembuktian hak milik benda itu atau supaya perkara itu dirujuk kepada seorang Majistret.

(4) Majistret yang kepadanya rujukan dibuat di bawah perenggan (3) hendaklah mengeluarkan saman menghendaki—

- (a) orang yang menuntut bahawa dia adalah pemunya benda yang disita; dan
- (b) orang yang daripadanya benda itu disita,

hadir di hadapannya pada hari yang ditetapkan dalam saman itu.

(5) Pada hari yang ditetapkan di bawah perenggan (4), dan setelah dibuktikan bahawa saman telah disampaikan dengan sewajarnya kepada setiap orang yang disebut dalam subperenggan (4)(a) dan (b), Majistret hendaklah terus memeriksa perkara itu, walaupun mana-mana orang itu tidak hadir.

(6) Jika, setelah selesai pemeriksaan yang dibuat di bawah perenggan (5) berkenaan dengan sesuatu benda, Majistret berpuas hati bahawa—

- (a) suatu kesalahan terhadap mana-mana peruntukan Undang-Undang Kecil ini telah dilakukan; dan
- (b) benda itu ialah hal perkara bagi atau telah digunakan dalam melakukan kesalahan itu,

Majistret itu hendaklah memerintahkan pelucuthakan benda itu; tetapi jika Majistret tidak berpuas hati sedemikian, dia hendaklah memerintahkan supaya benda itu dilepaskan dan diserahkan kepada orang yang pada pendapatnya berhak kepada benda itu.

Tiada kos atau ganti rugi berbangkit daripada penyitaan boleh didapatkan

64. Tiada seorang pun boleh, dalam apa-apa prosiding di hadapan mana-mana mahkamah berkenaan dengan penyitaan apa-apa benda yang disita pada menjalankan atau yang berupa sebagai menjalankan apa-apa kuasa yang diberikan di bawah Undang-Undang Kecil ini, berhak kepada kos prosiding itu atau kepada apa-apa ganti rugi atau relief lain melainkan jika penyitaan itu dibuat tanpa sebab yang munasabah.

Kuasa menutup

65. (1) Tanpa menjejaskan perjalanan kuasa yang diberikan kepadanya di bawah undang-undang kecil 57 dan 58 Pihak Berkuasa Melesen boleh, dengan serta-merta mengambil langkah yang difikirkannya perlu untuk menutup mana-mana premis berlesen jika dia berpuas hati bahawa—

- (a) telah berlaku pelanggaran mana-mana peruntukan di bawah Undang-Undang Kecil ini atau mana-mana syarat atau sekatan lesen; atau

(b) penutupan itu adalah perlu untuk kepentingan kesihatan awam dan tempoh penutupan tersebut adalah tidak melebihi empat belas hari pada satu-satu tempoh penutupan.

(2) Pihak Berkuasa Melesen boleh menutup mana-mana premis yang menjalankan aktiviti establisymen makanan jika dia berpuas hati bahawa ia beroperasi tanpa lesen atau pun beroperasi dengan menggunakan lesen yang tidak sah.

(3) Jika suatu premis menjalankan aktiviti establisymen makanan ditutup di bawah perenggan (1) lesen bagi premis tersebut hendaklah disifatkan digantung dalam tempoh penutupan itu.

(4) Semasa tempoh penutupan pemegang lesen hendaklah mengambil langkah seperti yang dikehendaki oleh Pihak Berkuasa Melesen untuk memastikan bahawa semua syarat dan sekatan lesen serta mana-mana peruntukan Undang-Undang Kecil ini dipatuhi.

(5) Pihak Berkuasa Melesen boleh selepas menjalankan siasatan wajar membenarkan premis berlesen dibuka jika Pihak Berkuasa Melesen berpuas hati bahawa punca penutupan diselesaikan dan dihapuskan atau semua syarat dan sekatan lesen serta mana-mana peruntukan Undang-Undang Kecil ini telah dipatuhi.

(6) Jika sehingga akhir tempoh penutupan, pemegang lesen masih gagal untuk mematuhi mana-mana syarat atau sekatan lesen atau mana-mana peruntukan Undang-Undang Kecil ini maka Pihak Berkuasa Melesen hendaklah membatalkan lesennya.

(7) Jika suatu premis menjalankan aktiviti establisymen makanan ditutup di bawah perenggan (2), Pihak Berkuasa Melesen boleh membenarkan premis tersebut dibuka setelah suatu lesen yang sah dikeluarkan dan pemohon telah menjelaskan semua bayaran kompaun, denda dan fi yang telah ditetapkan di bawah Undang-Undang Kecil ini.

(8) Jika mana-mana premis didapati menjalankan aktiviti establisymen makanan dalam tempoh penutupan, Pihak Berkuasa Melesen boleh membatalkan lesen premis tersebut serta-merta.

Kuasa menangkap

66. (1) Pihak Berkuasa Melesen, pegawai yang diberi kuasa atau pegawai polis yang berpangkat tidak rendah daripada Inspektor boleh menangkap tanpa waran seseorang yang melakukan di hadapannya atau yang dia dengan munasabah telah melakukan sesuatu kesalahan di bawah Undang-Undang Kecil ini—

(a) jika nama atau alamat orang itu tidak diketahui olehnya dan orang itu enggan memberi nama dan alamatnya; atau

(b) jika ada sebab bagi meragukan nama atau alamat yang diberikan itu tepat.

(2) Seseorang yang ditangkap di bawah Undang-Undang Kecil ini hendaklah ditahan dan hendaklah dibawa ke hadapan Mahkamah Majistret dalam tempoh dua puluh empat jam melainkan jika nama dan alamatnya dapat ditentukan terlebih dahulu.

BAHAGIAN VIII

PELBAGAI

Pendakwaan

67. Tiada pendakwaan boleh dimulakan bagi suatu kesalahan di bawah Undang-Undang Kecil ini kecuali dengan izin bertulis Pendakwa Raya.

Mengkompaun kesalahan-kesalahan

68. (1) Yang Dipertua, Setiausaha, Pegawai Undang-Undang, Penolong Pegawai Undang-Undang atau pegawai yang diberi kuasa boleh mengkompaun mana-mana kesalahan yang dilakukan di bawah Undang-Undang Kecil ini dan ditetapkan sebagai kesalahan boleh dikompaun dengan membuat suatu tawaran bertulis kepada orang yang disyaki telah melakukan kesalahan itu untuk mengkompaun kesalahan itu apabila dibayar kepada Majlis sejumlah wang yang tidak melebihi satu ribu ringgit bagi kesalahan itu dalam tempoh yang dinyatakan dalam tawaran itu.

(2) Sesuatu tawaran di bawah perenggan (1) boleh dibuat pada bila-bila masa selepas kesalahan itu dilakukan tetapi sebelum apa-apa pendakwaan baginya dimulakan, dan jika jumlah yang dinyatakan dalam tawaran itu tidak dibayar dalam tempoh yang dinyatakan dalam tawaran itu atau apa-apa tempoh lanjutan sebagaimana yang dibenarkan oleh Yang Dipertua, Setiausaha, Pegawai Undang-Undang, Penolong Pegawai Undang-Undang atau pegawai yang diberi kuasa, pendakwaan terhadap kesalahan itu boleh dimulakan pada bila-bila masa selepas itu terhadap orang yang kepadanya tawaran itu telah dibuat.

(3) Jika suatu kesalahan telah dikompaun di bawah perenggan (1), tiada pendakwaan boleh dimulakan selepas itu berkenaan dengan kesalahan itu terhadap orang yang kepadanya tawaran untuk mengkompaun telah dibuat dan apa-apa benda yang disita berkaitan dengan kesalahan itu hendaklah dilepaskan, tertakluk kepada apa-apa terma dan syarat yang berkaitan.

(4) Kesemua wang yang diterima di bawah Undang-Undang Kecil ini hendaklah dibayar kepada kumpulan wang yang diwujudkan di bawah mana-mana undang-undang yang berhubung dengan kerajaan tempatan.

Penalti am

69. Mana-mana orang yang melanggar mana-mana peruntukan Undang-Undang Kecil ini adalah melakukan suatu kesalahan dan boleh, apabila disabitkan, didenda tidak melebihi dua ribu ringgit atau penjara tidak melebihi satu tahun atau kedua-duanya dan bagi kesalahan yang berterusan dilakukan setelah sabitan boleh dikenakan denda yang tidak melebihi dua ratus lima puluh ringgit bagi setiap hari kesalahan itu berterusan.

Pembatalan dan peruntukan peralihan

70. (1) Undang-Undang Kecil Pengawalan dan Pengawasan Tempat-Tempat Makan (Majlis Daerah Kinta Barat) 1984 [Pk. P.U. 71/1984] dibatalkan.

(2) Tanpa menyentuh kesalahan Undang-Undang Kecil ini, apa-apa kesalahan yang telah dilakukan berlawanan dengan mana-mana peruntukan Undang-Undang Kecil yang dibatalkan, sebelum pemansuhan ini hendaklah, bagi tujuan pendakwaan diteruskan dengan peruntukan Undang-Undang Kecil yang dibatalkan tersebut, seolah-olah Undang-Undang Kecil yang dibatalkan itu masih terus berkuat kuasa.

JADUAL PERTAMA

[perenggan 4(3)]

FI PEMROSESAN LESEN

(a) Borang	:	Percuma
(b) Establisymen Makanan	:	RM30.00

[perenggan 11(3)]

FI SALINAN LESEN DIPERAKUI

(a) Salinan lesen diperakui	:	RM50.00
-----------------------------	---	---------

JADUAL KEDUA
[subperenggan 4(4)(b)]
FI LESEN TAHUNAN
ESTABLISYMEN MAKANAN

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
1.	Kedai Kopi / Kedai Teh	200.00
2.	Kedai Makan / Restoran:	
	(a) Berhawa Dingin	400.00
	(b) Tidak Berhawa Dingin—	
	(i) Kurang dari 93m ²	200.00
	(ii) Lebih dari 93m ²	300.00
3.	Kilang Minyak boleh dimakan yang menggunakan jentera	310.00
4.	Menyedia, membotol, mengetin, membungkus atau mengilang minuman ringan termasuk air lemonad, air berkarbonat, air perisa, air ubat dan air mineral:	
	(a) Keluasan < 93 m ²	450.00
	(b) Keluasan > 93 m ² hingga < 186 m ²	750.00
	(c) Keluasan > 186 m ²	1,150.00
5.	Mengilang sos dan cuka, termasuk membotol:	
	(a) Keluasan < 93 m ²	200.00
	(b) Keluasan > 93 m ² hingga < 186 m ²	300.00
	(c) Keluasan > 186 m ²	450.00
6.	Pengusaha Tenusu:	
	(a) Keluasan < 1 ekar	190.00
	(b) Keluasan > 1 ekar hingga < 3 ekar	430.00
	(c) Keluasan > 3 ekar	670.00
7.	(a) Kilang Aiskrim:	
	(i) Keluasan < 93 m ²	350.00
	(ii) Keluasan > 93 m ² hingga < 186 m ²	550.00
	(iii) Keluasan > 186 m ²	750.00
	(b) Kilang Ais:	
	(i) Keluasan < 93 m ²	350.00
	(ii) Keluasan > 93 m ² hingga < 186 m ²	550.00
	(iii) Keluasan > 186 m ²	750.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
8.	Susu / Snek Bar / Coffee House	200.00
9.	Kantin	110.00
10.	Gudang untuk menyimpan makanan / minuman dengan keluasan lantai:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	550.00
11.	Kedai minum / Bar / Pub	350.00
12.	Kantin Sekolah	40.00
13.	Penyaji Makanan	110.00
14.	Kilang Mi / Mi Hoon / Koay Teow / Vermicelli:	
	(a) Keluasan < 93 m ²	250.00
	(b) Keluasan > 93 m ² hingga < 186 m ²	550.00
	(c) Keluasan > 186 m ²	850.00
15.	Kilang roti di mana roti bantal dibuat:	
	(a) Keluasan < 93 m ²	250.00
	(b) Keluasan > 93 m ² hingga < 186 m ²	550.00
	(c) Keluasan > 186 m ²	850.00
16.	Semua jenis kek termasuk kilang roti di mana roti bantal tidak dibuat:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
17.	Kilang Gula-Gula:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
18.	Kilang tepung, kilang serbuk rempah kari, kilang beras termasuk lain-lain yang mengilang bahan makanan:	
	(a) Keluasan < 93 m ²	200.00
	(b) Keluasan > 93 m ² hingga < 186 m ²	450.00
	(c) Keluasan > 186 m ²	700.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
19.	Kilang Serbuk Kopi:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
20.	Menyedia atau membuat minyak boleh dimakan dan lemak termasuk minyak sapi, lemak babi, lemak beku, minyak kelapa, minyak kelapa sawit dan minyak kacang tanah:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
21.	Membungkus makanan termasuk teh, minyak dan sebarang bahan makanan lain:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
22.	Menyedia, membungkus dan mengedar untuk dijual makanan pramasak	110.00
23.	Mengetin, membotol atau membungkus dalam bekas yang tidak dapat dimasuki udara sebarang makanan:	
	(a) Keluasan < 93 m ²	200.00
	(b) Keluasan > 93 m ² hingga < 186 m ²	450.00
	(c) Keluasan > 186 m ²	700.00
24.	Menapis gula atau membuat gula melaka:	
	(a) Keluasan < 93 m ²	450.00
	(b) Keluasan > 93 m ² hingga < 186 m ²	700.00
	(c) Keluasan > 186 m ²	950.00
25.	Menyedia atau membuat air buah-buahan, pati sayur dan concentrates, squash buah-buahan, cordial dan sirap tiruan, pati buah-buahan, minuman ubat dan esen perisa dan sirap:	
	(a) Keluasan < 93 m ²	300.00
	(b) Keluasan > 93 m ² hingga < 186 m ²	650.00
	(c) Keluasan > 186 m ²	950.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
26.	Menyedia untuk dijual daging dan hasil daging, hasil laut dan makanan hasil laut untuk termasuk daging babi panggang, itik panggang, ayam panggang dan daging panggang	150.00
27.	Menyedia atau membuat acar, buah-buahan jeruk dan sayur-sayuran jeruk:	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	450.00
28.	Menyedia atau membuat pati daging dan sayur-sayuran:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
29.	Kilang coklat:	
	(a) Keluasan < 93 m ²	450.00
	(b) Keluasan > 93 m ² hingga < 186 m ²	700.00
	(c) Keluasan > 186 m ²	950.00
30.	Membuat, menyuling, mencampur, membotol, mengetin minuman yang memabukkan termasuk bir dan stout:	
	(a) Keluasan < 93 m ²	450.00
	(b) Keluasan > 93 m ² hingga < 186 m ²	700.00
	(c) Keluasan > 186 m ²	950.00
31.	Makanan dingin beku / proses:	
	(a) Keluasan < 93 m ²	300.00
	(b) Keluasan > 93 m ² hingga < 186 m ²	700.00
	(c) Keluasan > 186 m ²	950.00
32.	Membuat, menyediakan, membungkus atau menjual perisa makanan, perasa makanan, pewarna makanan dan bahan awet makanan:	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	450.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
33.	Menyedia dan membuat:	
	(a) Jem dan lengkong:	
	(i) Keluasan < 93 m ²	150.00
	(ii) Keluasan > 93 m ² hingga < 186 m ²	350.00
	(iii) Keluasan > 186 m ²	550.00
	(b) Susu dan krim termasuk bancuhan susu tepung dan krim:	
	(i) Keluasan < 93 m ²	350.00
	(ii) Keluasan > 93 m ² hingga < 186 m ²	750.00
	(iii) Keluasan > 186 m ²	950.00
	(c) Susu tepung:	
	(i) Keluasan < 93 m ²	350.00
	(ii) Keluasan > 93 m ² hingga < 186 m ²	750.00
	(iii) Keluasan > 186 m ²	950.00
	(d) Telur kering, tepung telur:	
	(i) Keluasan < 93 m ²	150.00
	(ii) Keluasan > 93 m ² hingga < 186 m ²	350.00
	(iii) Keluasan > 186 m ²	550.00
	(e) Bahan-bahan makanan bercampur mengandungi terutamanya susu dan atau tepung telur:	
	(i) Keluasan < 93 m ²	150.00
	(ii) Keluasan > 93 m ² hingga < 186 m ²	350.00
	(iii) Keluasan > 186 m ²	550.00
	(f) Sebarang hasil yang boleh dimakan yang dibuat dari kacang, kacang tanah, kelapa dan kekacang dan kekeras lain yang melibatkan satu proses selain dari proses mengoreng atau memasak yang mudah:	
	(i) Keluasan < 93 m ²	150.00
	(ii) Keluasan > 93 m ² hingga < 186 m ²	350.00
	(iii) Keluasan > 186 m ²	550.00
	(g) Mentega, keju dan marjerin:	
	(i) Keluasan < 93 m ²	150.00
	(ii) Keluasan > 93 m ² hingga < 186 m ²	350.00
	(iii) Keluasan > 186 m ²	550.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
	(h) Mentega kacang tanah:	
	(i) Keluasan < 93 m ²	150.00
	(ii) Keluasan > 93 m ² hingga < 186 m ²	350.00
	(iii) Keluasan > 186 m ²	550.00
34.	Gerai dalam kedai makan, pawagam atau premis berlesen lain	50.00
35.	Pengedar atau ejen ais / aiskrim dan / atau minuman ringan	110.00
36.	Menjual gula-gula, aiskrim dan minuman ringan dari mesin bancuhan:	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	450.00
37.	Menyimpan daging dan hasil daging, hasil laut dan makanan hasil laut, sayur dan buah-buahan:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	550.00
38.	Kedai buah / sayur:	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	450.00
39.	Kedai Runcit atau Kedai Barang:	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	450.00
40.	Menjual barang makanan segar:	
	(a) Keluasan < 93 m ²	190.00
	(b) Keluasan > 93 m ² hingga < 186 m ²	430.00
	(c) Keluasan > 186 m ²	670.00
41.	Semua minuman keras untuk digunakan di luar premis:	
	(a) Keluasan < 93 m ²	190.00
	(b) Keluasan > 93 m ² hingga < 186 m ²	430.00
	(c) Keluasan > 186 m ²	670.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
42.	Kilang Kacang:	
	(a) Keluasan < 93 m ²	190.00
	(b) Keluasan > 93 m ² hingga < 186 m ²	430.00
	(c) Keluasan > 186 m ²	670.00
43.	Sebarang kilang makanan atau tempat makanan yang tidak ditentukan dalam Jadual ini:	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	310.00
44.	Menyedia atau membuat sagu, ubi kayu dan hasil-hasil yang dibuat daripadanya:	
	(a) Keluasan < 93 m ²	200.00
	(b) Keluasan > 93 m ² hingga < 186 m ²	450.00
	(c) Keluasan > 186 m ²	700.00
45.	Mengawet ikan atau membuat baja atau baja lain:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	550.00
46.	Mengering atau menggaram ikan:	
	(a) Keluasan < 93 m ²	90.00
	(b) Keluasan > 93 m ² hingga < 186 m ²	150.00
	(c) Keluasan > 186 m ²	250.00
47.	Menyimpan kopra:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	550.00
48.	Menyimpan ikan masin, belacan, udang halus dsb:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	550.00
49.	Menyimpan, melonggok atau memperniagakan sebarang ikan busuk atau barang lain yang dikenali sebagai 'Ikan Busuk':	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	550.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
50.	Kedai Ubat:	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	450.00
51.	Kilang minyak kelapa sawit:	
	(a) Keluasan < 93 m ²	350.00
	(b) Keluasan > 93 m ² hingga < 186 m ²	750.00
	(c) Keluasan > 186 m ²	950.00
52.	Ladang ayam itek (melebihi 20 ekor):	
	(a) Keluasan < 93 m ²	110.00
	(b) Keluasan > 93 m ² hingga < 186 m ²	190.00
	(c) Keluasan > 186 m ²	450.00
53.	Menyimpan tepung melebihi 1 1/2 tan:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
54.	Menyimpan minyak kelapa:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
55.	Kilang belacan:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
56.	Kilang makanan binatang:	
	(a) Keluasan < 93 m ²	200.00
	(b) Keluasan > 93 m ² hingga < 186 m ²	450.00
	(c) Keluasan > 186 m ²	700.00
57.	Membuat ubat-ubatan dan dadah:	
	(a) Keluasan < 93 m ²	200.00
	(b) Keluasan > 93 m ² hingga < 186 m ²	450.00
	(c) Keluasan > 186 m ²	700.00

Bil.	Jenis tred, perniagaan, perindustrian	Bayaran Lesen Setahun untuk sebuah premis (RM)
58.	Membuat, mengawet atau menyimpan tembakau:	
	(a) Keluasan < 93 m ²	150.00
	(b) Keluasan > 93 m ² hingga < 186 m ²	350.00
	(c) Keluasan > 186 m ²	750.00
59.	Membuat cerut dan / atau rokok:	
	(a) Keluasan < 93 m ²	450.00
	(b) Keluasan > 93 m ² hingga < 186 m ²	950.00
	(c) Keluasan > 186 m ²	1,450.00
60.	Ladang lembu / kerbau / kambing dan babi:	
	(a) Keluasan < 93 m ²	450.00
	(b) Keluasan > 93 m ² hingga < 186 m ²	700.00
	(c) Keluasan > 186 m ²	950.00

JADUAL KETIGA
[perenggan 12(6)]

FI LESEN SEMENTARA

Bil.	Jenis tred, perniagaan, perindustrian	Bayaran Lesen untuk sebulan (RM)
1.	Lesen Sementara:	
	i. Keluasan < 93 m ²	20.00
	ii. Keluasan > 93 m ² hingga < 186 m ²	40.00
	iii. Keluasan > 186 m ²	60.00

Dibuat 11 Ogos 2017
[MDBG.JUU. 1/2017;
PU.Pk. 2/75 (V)]

NURDIANA BINTI PUUADI
Yang Dipertua
Majlis Daerah Batu Gajah

Disahkan 5 September 2017
[PU.Pk. 12/75 (V)]

SHAHROL AZAM BIN SHAARI
Setiausaha
Majlis Mesyuarat Kerajaan
Perak Darul Ridzuan

LOCAL GOVERNMENT ACT 1976

LICENSING OF FOOD ESTABLISHMENTS
(BATU GAJAH DISTRICT COUNCIL) BY-LAWS 2017

ARRANGEMENT OF BY-LAWS

PART I

PRELIMINARY

By-laws

1. Citation, commencement and application
2. Interpretation

PART II

LICENCE

3. Licence
4. Application for licence
5. Licence not transferable
6. Fee non refundable
7. Deposit
8. Suspension and revocation of licence
9. Duration of licence
10. Renewal of licence
11. License to be exhibited and produced
12. Temporary licence
13. Surrender of licence
14. Operating business activity other than those approved
15. Exemption